



Broj:02-02-895/17  
Jablanica, 15.05.2023. godine

## Vijeće za konkurentnost

### **Izvod iz zapisnika sa XXXIV (34.) sjednice Vijeća za konkurentnost općine Jablanica održane dana 12.05.2023. godine sa početkom u 10:30 sati**

**Prisutni:** Emir Muratović – predsjedavajući OV-a, Alma Pinjić – predsjednica VZK općine Jablanica, Amela Muratović - Služba za LER, investicije, finansije i trezor, Elma Bajramović – „Jablanit“ d.o.o. Jablanica, Adis Šabanović -Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Uzeir Zahirović – BH Granit, Amir Džafić – „Voćepromet“ d.o.o. Jablanica, Zijad Bišić – V.O. „HM“ Jablanica, Martin Zelenika – predstavnik JP EP HZHB Radna jedinica "Elektro-Doljani".

**Odsutni:** Damir Šabanović – Općinski načelnik, Dženan Mulahasanović – Sekretar organa državne službe Općine Jablanica, Ramiz Zahirović direktor JP EP BiH - Podružnica Jablanica, Jusuf Maksumić - Restoran Maksumić, Jasmin Hujdur – „Pekara Hujdur“ Jablanica.

Predsjednica VZK-a Alma Pinjić pozdravila prisutne i konstatovala da sjednici VZK-a prisustvuje ukupno 10 članova od čega, četiri (4) člana javnog sektora i šest (6) članova privatnog sektora, te se može pravovaljano odlučivati.

Za 34. sjednicu predložen je sljedeći Dnevni red:

1. Izvod iz zapisnika sa XXXIII (33) sjednice VZK-a
2. Prijedlog izmjena Programa poticaja MSP i Programa subvencioniranja privrednih subjekata na području općine Jablanica
3. Tekuća pitanja

Predloženi Dnevni red jednoglasno je usvojen.

#### **Ad. 1. Izvod iz zapisnika sa XXXIII (33.) sjednice**

Predsjednica Alma Pinjić daje izvod iz zapisnika na raspravu.

Nije bilo primjedbi na Izvod iz zapisnika sa XXXIII (33.) sjednice VZK-a, isti je jednoglasno usvojen.

#### **Ad.2. Prijedlog izmjena Programa poticaja MSP i Programa subvencioniranja privrednih subjekata na području općine Jablanica**

Zijad Bišić predložio da se u prijedlogu Programa poticaja MSP, u dijelu Projekat poticanja obrta iznos sa 4.000,00 KM poveća na 7.000,00 KM, obzirom da predloženi iznos od 4.000,00 KM nije dovoljan za plaćanje doprinosa po jednom novouposlenom za 15 mjeseci.

Članovi VZK-a su prihvatili prijedlog Zijada Bišića, osim za stari tradicionalni obrt, te je zaključeno da za stari tradicionalni obrt iznos ostane 4.000,00 KM, a za sve ostale obrte da iznos bude 7.000,00 KM po jednom novozaposlenom.

Kemal Muratović predložio da se u Prijedlogu Programa poticaja MSP u tački 4. Korisnici- briše pasus broj 2. „Privrednici općine Jablanica čije povećanje broja radnika nije rezultat iskorištenog poticaja za zapošljavanje Općine Jablanica, Federalnog zavoda za zapošljavanje ili drugih subjekata viših nivoa vlasti, s tim da se poticaji ne odnose na iste radnike“, iz razloga što je organizirajući, te da se u pasus broj 3. „Nezaposlene osobe – prijavljene na evidenciju nezaposlenih Zavoda za zapošljavanje Jablanica,“, dopuni riječima „dan prije objave Javnog poziva“.

Članovi VZK-a su prihvatili predloženi prijedlog.

Predsjednica VZK-a Alma Pinjić predložila da se u tački 5. **Javni poziv i postupak prijavljivanja** „Javni poziv za učešće u Programu poticaja, objavljuje Općinski načelnik do 15. aprila tekuće godine“, zamjeni „Javni poziv za učešće u Programu poticaja, objavljuje Općinski načelnik do 15. marta tekuće godine“. Takođe, predložila je i da se doda slijedeća rečenica: „Javni poziv za 2023. godinu objavljuje Općinski načelnik u roku od 15 dana od dana objavljivanja izmjena i dopuna Programa poticaja MSP u Službenom glasniku Općine Jablanica.

Članovi VZK-a su prihvatili predloženi prijedlog.

Kad se tiče Programa subvencioniranja privrednih subjekata na području općine Jablanica, članovi VZK su se usaglasili da omjer finansiranja nabavke opreme treba da bude 60% Općina i 40% vlastito učešće.

Nakon diskusije o Programu poticaja MSP i Programa subvencioniranja privrednih subjekata na području općine Jablanica VZK donosi slijedeći

## ZAKLJUČAK

Vijeće za konkurentnost općine Jablanica je saglasno sa prijedlogom izmjena i dopuna Programa poticaja MSP i Programa subvencioniranja privrednih subjekata na području općine Jablanica, koje je predložila Služba za lokalni ekonomski razvoj i investicije, finansije i trezor, uz slijedeće izmjene:

- U Programu subvencioniranja privrednih subjekata na području općine Jablanica omjer finansiranja nabavke opreme iznosi: 60% Općina, 40% vlastito učešće;

- U Programu poticaja MSP:

- 2.3. Projekat poticanja obrta

- stari tradicionalni obrti zanati – 4.000,00 KM po jednom novozaposlenom;

- ostali obrti (srodna djelatnost, obrt, domaća radinost) – 7.000,00 KM po jednom novozaposlenom;

- 4. Korisnici

- brisati pasus 2. Privrednici općine Jablanica čije povećanja broja radnika nije rezultat iskorištenog poticaja za zapošljavanje Općine Jablanica, Federalnog zavoda za zapošljavanje ili drugih subjekata viših nivoa vlasti, s tim da se poticaji ne odnose na iste radnike.

- pasus 3. Nezaposlene osobe - prijavljene na evidenciji nezaposlenih Zavoda za zapošljavanje Jablanica „**dan prije objave javnog poziva**“ – **DODATI**

- 5. Javni poziv i postupak prijavljivanja

- Javni poziv za učešće u Programu poticaja, objavljuje Općinski načelnik do 15.marta tekuće godine.

- Javni poziv za 2023. godinu objavljuje Općinski načelnik u roku od 15 dana od dana objavljivanja izmjena i dopuna Programa poticaja MSP u Službenom glasniku Općine Jablanica

## II

Vijeće za konkurentnost Općine Jablanica traži da se predložene izmjene i dopune Programa poticaja MSP i Programa subvencioniranja privrednih subjekata na području općine Jablanica uvrste u prijedlog dnevnog reda sljedeće sjednice Općinskog vijeća općine Jablanica.

## III

Za realizaciju ovog Zaključka zadužuje se Služba za lokalni ekonomski razvoj i investicije, finansije i trezor.

### **Ad.3.Tekuća pitanja**

VZK općine Jablanica je Zaključkom broj 2. u Radnu grupu za utvrđivanje liste aplikanata kod odobravanja sredstava po Javnom pozivu za učešće u Programu poticaja MSP u općini Jablanica u 2023. godini, imenovalo Elmu Bajramović ispred Udruženja privrednika Općine Jablanica.

Predsjednica VZK Alma Pinjić se zahvalila svima na dolasku i izrazila žaljenje zbog odsustva sa sjednice općinskog načelnika, te istakla kako će se truditi da se VZK općine Jablanica sastaje češće u cilju unapređenja saradnje između javnog i privatnog sektora.

Sjednica završena u 11:20 sati.

Zapisnik vodila:

Azra Babić

Predsjednica Vijeća za konkurentnost

dr.sc. Alma Pinjić, dipl.ing.arh.